



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

24 JUN 2022 (JUMAAT)



KERATAN AKHBAR DAN MEDIA ONLINE (KPDNHEP)

24 JUN 2022 (JUMAAT)

Lotus's Malaysia promosi produk halal tempatan

Kempen sepanjang April hingga Julai tingkat kebolehpasaran barangan PKS

Lotus's Stores (Malaysia) Sdn Bhd (Lotus's Malaysia) bekerjasama dengan Perbadanan Pembangunan Halal (HDC) dalam kempen 'Jadikan Halal Pilihan Pertama Anda' untuk meningkatkan kebolehpasaran produk halal buatan tempatan, yang berlangsung sepanjang April hingga Julai.

Kempen itu, yang menjadi program di bawah Inisiatif Bajet 2022, menampilkan 389 barangan runcit makanan dan bukan makanan daripada perusahaan kecil dan sederhana (PKS) tempatan yang diperakui halal di semua 64 kedai Lotus's Malaysia seluruh negara.

Presiden Lotus's Malaysia, Kenneth Chuah, berkata kempen itu bertujuan menimbulkan minat dan kepercayaan pengguna terhadap produk tempatan yang berkualiti dan mampu milik serta



Rosol (dua dari kanan) bersama Chuah (kiri) dan Hairol Ariffein menunjukkan satu daripada produk halal tempatan daripada Samza Food Industri pada majlis pelancaran kempen 'Jadikan Halal Pilihan Pertama Anda' di Lotus's Ampang, semalam. (Foto BERNAMA)

diperakui halal.

"Kualiti dan mampu milik menjadi faktor utama yang mempengaruhi pembelian dalam persekitaran runcit dinamik ini yang banyak bergantung kepada pilihan pengguna," tambahnya.

Chuah berkata demikian selepas melancarkan kempen itu bersama Timbalan Menteri Perdagangan Dalam Negeri dan Hal Ehwal Pengguna, Datuk Rosol

Wahid dan Ketua Pegawai Eksekutif HDC, Hairol Ariffein Sahari di Lotus's Ampang dekat Kuala Lumpur, semalam.

Chuah berkata, 90 peratus daripada lebih 3,000 produk Lotus's Own Brand diperoleh dan dikeluarkan oleh syarikat tempatan dan ini menunjukkan keyakinan syarikat terhadap keupayaan dan kualiti PKS tempatan.

Beliau menambah, pengehuar

tempatan juga perlu melengkapkan diri mereka dengan kemahiran dan keupayaan yang betul kerana ia penting dalam menghasilkan produk berkualiti dan harga yang kompetitif.

Sementara itu, Hairol Ariffein berkata, kempen itu juga bertujuan menarik PKS menjadikan halal sebagai cadangan nilai atau nilai tambah kepada aktiviti perniagaan mereka. BERNAMA



ROSOL (dua dari kanan) bersama Chuah (kiri) menunjukkan salah satu produk halal tempatan di Lotus's Ampang, semalam.

PLATFORM PKS MAJU PERNIAGAAN

Lotus's Malaysia tampil sejumlah 400 barangan runcit di 64 stor

Oleh Sri Ayu Kartika
Amri
kartika@hmetro.com.my

Kuala Lumpur

Lotus's Stores (Malaysia) Sdn Bhd (Lotus's Malaysia) menampilkan kira-kira 400 barisan barangan runcit makanan dan bukan makanan daripada 71 rakan kongsi perusahaan kecil dan sederhana (PKS) di 64 stor nya di seluruh negara, dalam usaha menyokong Kempen Jadikan Halal Pilihan Utama Anda.

Presiden Lotus's Malaysia, Kenneth Chuah berkata, Lotus's akan terus menjadi pla-

tform bagi PKS untuk memajukan perniagaan mereka.

Katanya, Lotus's juga memahami tanggungjawabnya dalam memastikan PKS tempatan menjadi tonggak penting pertumbuhan ekonomi negara dapat berkembang dan bertahan.

"Kempen Jadikan Halal Pilihan Utama Anda ini bertujuan menarik minat dan menggalakkan pengguna bagi memilih produk tempatan halal yang berkualiti serta berpatutan dihasilkan oleh PKS.

"Kami juga mempunyai keyakinan terhadap keupayaan dan kualiti pengeluaran

PKS tempatan kerana 90 peratus daripada 3,000 produk berjenama Lotus's diperolehi dan dihasilkan secara tempatan," katanya pada majlis pelancaran Kempen Jadikan Halal Pilihan Utama Anda Lotus's di sini, semalam.

Hadir sama, Timbalan Menteri Perdagangan Dalam Negeri dan Hal Ehwal Pengguna Malaysia (KPDNHEP), Datuk Rosol Wahid dan Ketua Pegawai Eksekutif Halal Development Corporation (HDC), Hairol Ariffien Sahari.

Chuah berkata, barangan jenama Lotus's seperti produk makanan dan penjagaan mulut diperakui halal sepenuhnya.

Beliau berkata, selain menyenaraikan produk PKS di semua stor nya, Lotus's juga bekerjasama rapat dengan mereka dalam pembangunan produk, strategi harga dan pemasaran serta menambahkan pembungkusan produk.

Sebagai sokongan kepada kempen ini, Lotus's turut menjalankan inisiatif seperti tawaran produk, komunikasi dalam stor, promosi dalam platform media dan sampel produk untuk menggalakkan pelanggan membeli-belah di stor Lotus's atau dalam talian untuk memperoleh pelbagai rangkaian produk halal.

KPDNHEP pastikan minyak masak paket tidak diseleweng



Rosol (dua dari kiri) melihat salah satu produk halal tempatan dari syarikat Adeqson ketika melawat gerai pameran pada pelancaran kempen 'Jadikan Halal Pilihan Utama Anda' di Lotus's Ampang.

AMPANG - Kementerian Perdagangan Dalam Negeri dan Hal Ehwal Pengguna (KPDNHEP) akan membuat pemantauan berterusan bagi memastikan minyak masak paket tidak diseleweng.

Timbalan Menteri, Datuk Rosol Wahid berkata, kementerian itu akan bekerjasama dengan pihak berkuasa seperti polis, Jabatan Kastam Diraja Malaysia dan Imigresen bagi memastikan perkara itu tidak berlaku.

"Kita tahu ada pihak yang tidak bertanggungjawab ambil keuntungan secara mudah melalui minyak masak paket ini. Kita akan bekerjasama rapat dengan semua pihak berkuasa bagi

menangkap golongan yang menyeleweng minyak masak ini," katanya dalam sidang akhbar selepas merasmikan Kempen Jadikan Halal Pilihan Utama Anda di Lotus Ampang pada Khamis.

Pada Rabu, Perdana Menteri, Datuk Seri Ismail Sabri Yaakob menjelaskan kerajaan masih mengekalkan pemberian subsidi minyak masak paket dengan isi padu satu kilogram seperti yang dilaksanakan sejak tahun 2007.

Dalam pada itu, mengulas mengenai rungutan pengguna yang didakwa sukar mendapatkan bekalan

minyak masak paket, Rosol tidak menolak kemungkinan ada pemilik pasar raya atau kedai runcit yang mengehadkan dua atau tiga paket untuk setiap pembeli.

"Dalam sebulan sebanyak 60,000 metrik tan iaitu 60 juta paket minyak masak diberikan subsidi. Negara kita ada 30 juta rakyat, maka secara puratanya seorang akan dapat dua paket minyak."

"Dengan mengehadkan jumlah tersebut ia akan dapat kawal minyak paket itu daripada diambil kesempatan oleh orang tidak bertanggungjawab," katanya.

Bekalan kurang sejak Mac lalu

Minyak masak peket
didakwa sukar
diperoleh di pasaran

Oleh **DIANA AZIS, NOR FARHANA YACOB dan NURUL HIDAYAH HAMID SHAH ALAM**



SHARIFAH

ABDUL

SHIRLEY

NOREHAN

Minyak masak peket bersubsidi satu kilogram (kg) didapati mula sukar diperoleh di kedai runcit sejak beberapa bulan lalu berikutan pemborong tidak lagi membekalkan barangan keperluan berkenaan.

Tinjauan Sinar Harian di beberapa kedai runcit sekitar kawasan perumahan di sini mendapati, rak yang menempatkan minyak masak peket bersubsidi telah digantikan dengan barangan keperluan lain bagi memenuhi ruang kosong tersebut.

Pemilik kedai runcit, Sharifah Abdul Katahar, 50, berkata, premisnya sudah terputus bekalan minyak masak peket bersubsidi sejak Mac lalu ekoran pemborong mendakwa sukar mendapatkan bekalan daripada pengilang.

"Sekarang saya tidak jual minyak masak peket kerana sudah lama tidak dapat bekalan.

"Ada juga pelanggan menungut kerana terpaksa beli minyak masak botol yang kini harganya memang mahal," katanya kepada Sinar Harian pada Khamis.

Dalam pada itu, Sharifah memaklumkan, ada juga pemborong yang menetapkan pembelian barangan sehingga RM700 untuk mendapatkan bekalan minyak masak peket daripada mereka.

"Saya kena ambil barang jualan sehingga RM700 barulah mereka (pemborong) benarkan untuk beli sekotak minyak masak peket bersubsidi. Kalau tak cukup RM700, pemborong tak bagi beli minyak masak peket dengan mereka," dakwanya.

Sementara itu, pemilik kedai runcit, Abdul Rafie, 28, mengakui bekalan bahan mentah itu semakin sukar diperoleh walaupun sudah membuat pesanan awal kepada pembekal.

Katanya, pesanan bekalan bahan mentah itu telah dibuat sebelum perayaan Aidilfitri, namun pembekal memberi alasan tidak mendapat stok daripada pengilang walaupun mereka sudah membuat tempahan awal.

"Hari ini sudah hampir dua bulan minyak masak peket tidak diantar pembekal dan secara tidak langsung memaksa golongan berpendapatan rendah (B40) membeli minyak botol yang harganya lebih mahal untuk kegunaan harian.

"Pembekal juga menghadkan pesanan kerana mendakwa stok yang diperoleh dari kilang terhad selain perlu bersikap adil kepada peruncit lain," katanya.

Pekerja sebuah pasar raya mini, Shirley Yong, 48, berkata, majikannya telah membuat keputusan untuk tidak lagi menyediakan minyak masak peket ekoran kesukaran mendapatkan bekalan selain ingin menunggu

harga minyak masak lebih stabil di pasaran.

Shirley berkata, ketika ini kedai tersebut hanya menjual minyak masak botol mengikut harga pasaran dan mungkin akan membuat pesanan minyak masak peket daripada pemborong bermula Julai nanti.

"Buat masa ini memang sudah tidak jual (minyak masak peket) kerana tidak ada stok, jadi kami jual yang botol sahaja.

"Mungkin selepas harga minyak masak di pasaran kembali stabil bulan Julai nanti kami akan buat pesanan stok daripada pemborong dan harap pada masa itu bekalan sudah ada dan mudah untuk didapati," katanya.

Sementara itu, situasi sama turut berlaku di **ALOR SETAR** di mana bekalan minyak masak

peket didakwa semakin sukar diperoleh sejak tiga bulan lepas.

Peniaga, Hong Poo Gaik, 60, memberitahu, bekalan minyak masak peket diterima di kedai runcit juga makin berkurangan berbanding sebelum ini.

"Pada kebiasaannya saya terima 30 beg minyak masak peket namun sekarang hanya menerima sekitar 15 beg bahan mentah tersebut sahaja setiap hari.

"Tiada alasan diberikan pembekal di sebalik pengurangan tersebut. Jadi, bekalan ini adakalanya tidak cukup untuk menampung permintaan pengguna hingga hujung bulan," katanya yang terpaksa menghadkan kuantiti pembelian kepada pengguna.

Seorang lagi peniaga, Fatimah Sulong, 57, berkata, bekalan minyak masak peket di kedai runcitnya di Jalan Datuk Kumbang di sini masih ada namun dalam kuantiti sedikit.

"Minyak masak ada tetapi terpaksa had pembelian satu peket seorang sahaja bagi

membolehkan semua pengguna berpeluang mendapatkan bekalan.

"Kami buat tempahan banyak tetapi hanya menerima separuh daripada tempahan bahan itu sahaja daripada pembekal," katanya.

Di **MELAKA**, terdapat setengah kedai terpaksa menghadkan hanya sepeket minyak masak yang boleh dijual kepada seorang pembeli berikutan kekurangan bekalan itu.

Pekerja kedai runcit di Limbongan Permai di sini, Qadir Abdullah berkata, pembelian itu terpaksa dihadkan bagi mengelakkan orang ramai membuat pembelian panik dan memastikan bekalan minyak masak peket di kedai itu mencukupi.

Seorang suri rumah, Norehan Nikmat pula mengakui sukar untuk mendapatkan bekalan minyak masak peket dan terpaksa pergi mencari di beberapa kedai runcit serta pasar raya.

"Saya tinggal sembilan beranak dalam satu rumah, jadi memang perlu beli minyak masak peket yang murah lebih lagi dengan kenaikan harga barang sekarang ini," katanya.



Penjaga kedai runcit, Mubashir menunjukkan bekalan minyak masak peket di kedai runcitnya.



Poo Gaik menunjukkan beberapa kotak mengandungi minyak masak peket yang habis dijual.

TELUR, AYAM MAHAL

125 kena kompaun

Iskandar Puteri: Seramai 125 penternak, pemborong dan peruncit telur serta ayam segar di negeri ini dikenakan tindakan kompaun kerana mencatut harga dua bahan mentah berkenaan.

Pengerusi Jawatankuasa Pelaburan Perdagangan dan Hal Ehwal Pengguna Johor, Lee Ting Han berkata, tindakan kompaun itu diambil susulan 4,657 pemeriksaan membabitkan peruncit, pemborong dan pengeluar dua bahan mentah itu bermula 5 Februari dan 13 Jun lalu.

"Sebanyak 125 tindakan kompaun menerusi Akta Kawalan Harga dan Anti Pencatutan (AKHAP) 2011 diambil bagi menangani tindakan tidak bertanggungjawab menaikkan harga telur dan ayam segar sesuka hati.

"Ia membabitkan sebanyak 10 kompaun kepada peladang, 15 pemborong dan 100 lagi tindakan ke

atas peruncit dengan jumlah kompaun yang dikeluarkan adalah sebanyak RM102,600 bagi kesalahan di bawah Penentuan Harga Maksimum bagi Ayam dan Telur Ayam," katanya.

Beliau berkata demikian ketika menjawab soalan pada sidang Pertama Dewan Undangan Negeri (DUN) Johor ke-15, di Bangunan Sultan Ismail, di sini, semalam.

Ahli Dewan Undangan Negeri (Adun) Parit Raja, Nor Rashidah Ramli bertanya mengenai tindakan kerajaan negeri dalam menangani isu kenaikan harga barang di negeri ini.

Dalam pada itu Ting Han yang juga Adun Paloh, berkata kerajaan negeri Johor menjalin kerjasama pintar bersama Kementerian Perdagangan Dalam Negeri dan Hal Ehwal Pengguna (KPDNHEP) Johor bagi pelaksanaan pelbagai inisiatif untuk menangani kenaikan harga barang.

Kena denda RM102,600 kerana jual lebih harga syiling

125 peniaga ayam, telur dikompaun

Oleh KHAIRUL MOHD ALI

ISKANDAR PUTERI – Seramai 125 peniaga ayam dan telur di negeri ini telah dikompaun di bawah Akta Kawalan Harga dan Anti Pencatutan (AKHAP) 2011 kerana menjual barangan itu melebihi harga kawalan ditetapkan kerajaan bermula 5 Februari sehingga 30 Jun tahun ini.

Pengerusi Jawatankuasa Pelaburan, Perdagangan dan Hal Ehwal Pengguna negeri, Lee Ting Han berkata, tindakan tersebut diambil setelah Kementerian Perdagangan Dalam Negeri dan Hal Ehwal Pengguna (KPDNHEP) Johor melakukan pemeriksaan terhadap 4,657 premis peruncit, pemborong dan pengeluar.

Ujar beliau, tindakan dikenakan terhadap 10 peladang, 15 pemborong dan 100 peruncit itu melibatkan kompaun bernilai RM102,600.

"KPDNHEP Johor giat melaksanakan penguatkuasaan serta pemeriksaan menangani



TING HAN ketika menjawab soalan di Sidang DUN di Kota Iskandar, Iskandar Puteri semalam.

isu kenaikan harga barang yang dilaporkan melalui pelbagai pendekatan berterusan dan agresif dengan pelaksanaan Ops Pasar,

Ops Rantai dan Ops Catut bagi menangani isu kenaikan harga barangan tertentu.

"Seramai 92 Pegawai Peman-

tau Harga (PPH) juga aktif mengumpul informasi terkini dan membuat kutipan data harga barangan keperluan pengguna

terpilih secara harian, mingguan dan bulanan di pasaran sebagai rujukan untuk merangka pelan perancangan serta tindakan komprehensif bagi memastikan kestabilan harga dan bekalan barangan di pasaran," katanya.

Beliau berkata demikian ketika menjawab soalan Nor Rashidah Ramli (**BN-Parit Raja**) berhubung tindakan, laporan penguatkuasaan dan perancangan kerajaan negeri dalam menangani kenaikan harga barang sempena Sidang Dewan Undangan Negeri (DUN) di Kota Iskandar, di sini semalam.

Sementara itu, Ting Han berkata, seramai 28 peniaga telah didakwa dengan nilai kompaun bernilai RM3,800 kerana mengambil kesempatan menaikkan harga semasa perayaan Tahun Baharu Cina lalu.

"Manakala bagi sambutan perayaan Hari Raya Aidilfitri pula, seramai 14 individu didakwa dengan nilai kompaun RM2,000 atas kesalahan sama," ujarnya.



PENGUAT KUASA KPDNHEP menyerbu sebuah stor di Kampung Tan Sri Mohd Said, Jalan Labu dipercayai terbahit menyeleweng diesel bersubsidi

Stor haram kegiatan selewang diesel bersubsidi diserbu

'Kutip' guna lori diubah suai

Oleh Mohd Amin Jalil
am@hmetro.com.my

Seremban

Sindiket 'kutip' diesel subsidi ternyata masih berleluasa apabila mereka terus dikesan dilakukannya kegiatan haram itu menggunakan lori diubah suai.

Terbaru Kementerian Perdagangan Dalam Negeri dan Hal Ehwal Pengguna (KPDNHEP) Negeri Sembilan menyerbu sebuah stor haram dijadikan lokasi penyimpanan diesel bersubsidi, di Kampung Tan Sri Mohd Said, Jalan Labu di

sini, semalam.

Ketua Pegawai Penguat kuasanya, Abd Muis Sam-sudin, berkata, serbuan dilakukan sepasukan anggota penguat kuasa KPDNHEP Negeri Sembilan susulan risikan dilakukan sejak seminggu lalu.

"Ketika serbuan, anggota pasukan penguat kuasa mendapati terdapat sebuah lori satu tan bertutup kan-vas dalam keadaan mencurigakan.

"Terdapat aktiviti memin-dahkan diesel bersubsidi dari-pada lori

itu menggunakan hos ke dalam tangki penyimpanan.

"Hasil pemeriksaan lanjut mendapati premis diserbu tidak mempunyai lesen sah atau apa-apa dokumen kebenaran untuk menyimpan diesel," katanya.

Beliau berkata, seorang lelaki warga tempatan berusia 30 tahun turut ditahan bagi membantu siasatan.

Abd Muis berkata, sebanyak 4,500 liter diesel, sebuah lori satu tan diubah suai, tangki-tangki petak dan peralatan digunakan untuk kegiatan pe-

mindahan diesel disita bagi tujuan siasatan.

Menurutnya, anggaran nilai rampasan keseluruhan berjumlah RM32,675.

Katanya, menerusi maklumat risikan dilakukan mendapati terdapat aktiviti pembelian diesel daripada stesen minyak oleh lori berkenaan sebelum diesel itu dipindahkan di premis itu.

"Kes akan disiasat mengikut Seksyen 21 Akta Bekalan 1961 kerana menyimpan barang kawalan dengan niat melakukan kesalahan serta Seksyen 20 (1) akta yang sama kerana menyimpan barang kawalan di lokasi tidak dilesenkan," katanya.

Hasil pemeriksaan lanjut mendapati premis diserbu tidak mempunyai lesen sah

Govt to retain original cooking oil subsidy

By DURIE RAINER FONG
newsdesk@thestar.com.my

KOTA KINABALU: The government is not ending the subsidy for cooking oil but reverting to the original pricing mechanism before the Covid-19 pandemic struck, says Datuk Zuraida Kamaruddin.

The Plantation Industries and Commodities Minister said there had been some misunderstanding over the issue.

"The original subsidised cooking oil, which amounted to 60,000 tonnes a month, or 720,000 tonnes a year, will remain and will be sold in 1kg polybags.

"What will be withdrawn is the additional 25,000 tonnes of subsidised cooking oil supplied during the movement control order period.

"This was a temporary measure taken then in light of people losing their jobs, among others, due to Covid-19, so that's why we raised the supply of subsidised cooking to 85,000 tonnes a month.

"So, this is what is being stopped (25,000 tonnes of cooking oil). There is no need for panic buying - we are still exporting our palm cooking oil and we have enough for our 32 million population," she said on Wednesday.

Domestic Trade and Consumer



Ample supply: Shoppers buying cooking oil at a hypermarket in Subang Jaya. — IZZRAFIQ ALIAS/The Star

Affairs Minister Datuk Seri Alexander Nanta Linggi had on Tuesday said the ceiling price of bottled cooking oil will be removed on July 1.

Nanta said the subsidy scheme, implemented on Aug 1 last year, was meant to be a temporary three-month move but had been extend-

ed until this month.

"The maximum retail price for pure palm cooking oil in bottled packaging will not be continued from July 1.

"However, for cooking oil sold in 1kg polybag packets, which is capped at a ceiling price of RM2.50, the subsidy will remain," he said,

after an engagement session with industry players and consumer groups at his ministry.

The maximum retail prices imposed on palm cooking oil was set at RM29.70 for a 5kg bottle, RM6.70 for 1kg, RM12.70 for 2kg and RM18.70 for 3kg.

Separately Zuraida, who is also Parti Bangsa Malaysia (PBM) president-designate, said she was keen for Sri Aman MP Datuk Masir Kujat and Lubok Antu MP Tambat Jugah Muyang to join their ranks.

"I would welcome them if they wanted to join me. I would appreciate them coming to strengthen my bloc," she said, when asked if the duo would move to PBM.

Masir had quit Parti Sarawak Bersatu (PSB) and pledged his full support to Prime Minister Datuk Seri Ismail Sabri Yaakob on March 30.

Tambat, left PKR in June 2020, to become an Independent lawmaker who fully supported Perikatan Nasional and Gabungan Parti Sarawak (GPS).

On PBM's presence in Sabah, Zuraida said the party has its grass-roots in 26 state divisions including in Labuan.

Since launching the party in December last year, PBM has 190 divisions throughout the country, she said.

Kes seleweng minyak masak wajib dibanteras



**ANALISIS
MUKA 16**

MOHAMMAD KHAILIL
ASHRAF MOHD KHALID

Pendedahan Perdana Menteri, Datuk Seri Ismail Sabri Yaakob bahawa minyak masak berbotol yang disubsidi banyak diseleweng oleh pihak industri, komersial dan mudah diseludup ternyata mengejutkan ramai pihak.

Walaupun kerajaan telah menank subsidi minyak masak botol bermula 1 Julai ini, kerajaan seharusnya tidak membiarkan mereka yang terlibat terus bebas kerana dikhawatirkan akan beralih kepada minyak masak pekete pula.

Kegiatan berkenaan haruslah disiasat dengan teliti dan kerajaan perlu mengenakan tindakan tegas terhadap pihak atau individu yang melakukan penyelewengan minyak masak berbotol sebelum ini.

Selain itu, boleh dipertimbangkan pindaan undang-undang dengan mengenakan hukuman lebih keras supaya isu penyelewengan dapat ditangani dengan lebih menyeluruh.

Ia juga bagi memberi pengajaran kepada mana-mana pihak supaya tidak terlibat dengan kegiatan itu.

Pemantauan juga haruslah kerap dilakukan oleh pihak Kementerian Perdagangan Dalam Negeri dan Hal Ehwal Pengguna (KPDNHEP) bagi membanteras kegiatan itu.

Tidak terkecuali juga pengguna seharusnya menjadi mata dan telinga kepada pihak berkuasa sekiranya melihat atau mengetahui kegiatan tersebut, melaporkannya dengan segera kepada KPDNHEP.

Dalam kes penyelewengan yang berlaku sebelum ini, penjenayah melakukan pelbagai cara untuk menyeleweng minyak masak.

Contohnya pada minggu lalu apabila sebanyak 17.5 tan metrik minyak masak bersubsidi dan peralatan digunakan untuk menyeleweng dianggarkan bernilai RM98,750 dirampas dalam serbuan dilakukan di sebuah rumah sewa di Batu Sembilan, Sandakan.

Dalam serbuan jam 4.30 petang, KPDNHEP Sandakan juga berjaya menahan seorang lelaki yang juga ahli kumpulan sindiket terbabit.

Ketua Pegawai KPDNHEP Sandakan, Azdy Zukkry John berkata, sebelum serbuan dijalankan pihaknya mendapati terdapat sekumpulan individu sedang sibuk memotong plastik minyak masak bersubsidi dalam pek satu kilogram.

Azdy berkata, siasatan awal mendapati, modus operandi digunakan suspek ialah dengan mendapatkan bekalan minyak masak dalam pek bersubsidi lalu diisi dalam tangki minyak.

Pada Mac tahun ini, KPDNHEP juga melaporkan bahawa menerusi Op Goreng mengesan sebanyak 401 kes penyelewengan pembekalan minyak masak termasuk bersubsidi dengan nilai rampasan RM15.57 juta bagi tempoh 2013 hingga Februari lalu.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi berkata, kes-kes berkenaan dikesan hasil tindakan penguatkuasaan KPDNHEP ke atas pelbagai peringkat rantai pengedaran seperti pengilang, pemborong dan peruncit.

Kes-kes penyelewengan berkenaan jika tidak diatasi akan menyebabkan negara kehilangan wang yang banyak manakala golongan sasar pula terus tercicir daripada

“

Kegiatan berkenaan perlu disiasat dengan teliti dan kerajaan perlu mengenakan tindakan tegas terhadap pihak atau individu yang terlibat melakukan penyelewengan.”

menerima bantuan.

Seperti yang dijelaskan Perdana Menteri, kerajaan telah memperkenalkan program subsidi sementara untuk minyak masak berbotol bagi satu, dua, tiga dan lima kilogram pada Ogos 2021 untuk membantu rakyat yang kesusahan.

Katanya, program subsidi sementara untuk minyak masak berbotol hanyalah untuk tempoh tiga bulan sahaja dengan kos RM55 juta sebulan.

“Walau bagaimanapun, kerajaan mendapati minyak masak berbotol yang disubsidi banyak diselewengkan oleh pihak industri, komersial dan aktiviti penyeludupan.

“Sehubungan dengan itu, kerajaan membuat keputusan mulai 1 Julai 2022 untuk tidak lagi menyambung subsidi untuk minyak masak berbotol kerana objektif awal program ini adalah untuk membantu golongan terkesan pandemik,” katanya.

Maka, sama-samalah kita bekerjasama dengan pihak berkuasa agar bukan sahaja perkara ini dapat dibanteras dan memastikan golongan yang benar-benar layak mendapat hak mereka.

**Mohammad Khairil Ashraf Mohd Khalid
iala#wartawan Sinar Harian*

Bahang peningkatan kos sara hidup makin terasa

RAMALAN pemerhati dan pakar ekonomi tentang inflasi yang akan berlaku lebih serius pada pertengahan tahun 2022 sudah mula terasa bahangnya.

Pengumuman Menteri Perdagangan Dalam Negeri dan Hal Ehwal Pengguna (KPDNHEP), Datuk Seri Alexander Nanta Linggi berkaitan pemansuhan subsidi minyak masak tulin botol dua hingga lima kilogram dan kawalan harga siling ayam serta telur ayam bermula 1 Julai, menguatkan lagi bahangnya.

Rakyat yang sudah sedia tertekan berikutan kesan pandemik Covid-19, akan terus berdepan dengan kos sara hidup lebih tinggi pada masa akan datang apabila harga makanan dan bahan mentah sudah mula naik sedikit demi sedikit.

Golongan M40 akan lebih terus terkesan kerana tidak lagi menerima bantuan langsung daripada kerajaan.

Ada pekerja yang gaji mereka masih di takuk lama dan ada yang terpaksa berhadapan dengan pemotongan gaji tetapi perlu berhadapan dengan bebanan kos sara hidup yang memeritkan.

Paling membimbangkan, kenaikan harga barangan negara ini dijangka kekal tinggi untuk tempoh beberapa bulan akan datang berikutan beberapa faktor pendorong kenaikan kos terutama barangan import.

Dalam situasi sukar seperti ini ada suara-suara yang meminta supaya Pilihan Raya Umum ke-15 (PRU15) diadakan segera kerana pada pandangan sesetengah pemimpin politik ia adalah jalan terbaik bagi menyelesaikan masalah rakyat.

Bagi mereka, dengan situasi kerajaan yang kini dianggap berada dalam keadaan kurang stabil, adalah sukar untuk kerajaan melakukan tindakan konkrit bagi menyelesaikan isu harga barang dan perkara yang melibatkan bebanan kos sara hidup rakyat.

Persoalannya, adakah ketika ini benar-benar masa terbaik untuk membubarkan Parlimen? Adakah isu kos sara hidup rakyat akan lenyap selepas PRU15 apabila terbentuk sebuah kerajaan baharu?

Bagi sesetengah pemerhati politik, mereka mahu kerajaan pimpinan Perdana Menteri, Datuk Seri Ismail Sabri Yaakob terus diberikan peluang memerintah mencari mekanisme untuk menstabilkan isu harga barang berbanding mengadakan PRU15 dalam masa terdekat.

Bagi rakyat pula, PRU15 bukan jaminan nasib mereka akan berubah kerana belum tentu kerajaan baharu selepas ini akan benar-benar stabil.



Minyak masak botol masih ada di pasaran

Kuala Lumpur: Bekalan minyak masak botol masih boleh diperolehi di pasaran, namun sudah ada pasar raya mengehendkan pembelian kepada hanya tiga botol bagi setiap keluarga.

Tinjauan *BH* di pasar raya sekitar ibu negara semalam, mendapati masih ada stok minyak masak botol dijual pada harga antara RM6.70 hingga RM29.70 bagi isi padu satu hingga lima kilogram (kg) untuk beberapa jenama seperti Saji, Buruh, Seri Murni dan Alif.

Beberapa pengguna yang ditemui berharap kerajaan mengkaji semula keputusan menghapuskan subsidi bagi minyak masak botol mulai 1 Julai nanti.

Seorang pengguna yang hanya mahu dikenali sebagai Ana, 72, berkata pemansuhan subsidi minyak botol pasti memberi kesan kepada orang ramai, terutama yang berpendapatan sederhana dan rendah.

"Bagi golongan berkenaan, mereka pasti terkesan. Ia tidak sama dengan rakyat yang mempunyai gaji tinggi. Kalau boleh, saya harap kerajaan dapat melanjutkan subsidi ini sebab kalau dimansuhkan, maka saya kena belanja lebih sedikit," katanya.

Seorang lagi pengguna, Teoh Bee Kim, 63, berkata subsidi barangan tertentu yang bakal dimansuhkan kelak dikhawatiri menambah beban kewangan kepada



Bekalan minyak masak botol semakin berkurangan ketika tinjauan di sebuah pasar raya di Lebuhraya Tunku Kudin, Gelugor, Pulau Pinang, semalam.

(Foto Mikaili Ong/BH)

warga kota serta bandar.

Di Kuala Terengganu, minyak masak paket 1kg dijangka mendapat permintaan tinggi pengguna selepas subsidi minyak masak botol dimansuhkan, yang dikhawatiri menyebabkan stok tidak mencukupi di pasaran.

Tinjauan di beberapa pasar raya dan kedai runcit di sekitar bandar mendapati orang ramai memilih membeli minyak masak paket berikutan harganya jauh lebih rendah iaitu RM2.50 1kg berbanding minyak botol berharga lebih RM12 untuk 2kg, ber-

gantung kepada jenama.

Bagi memastikan stok minyak berkenaan mencukupi, pembelian terpaksa dihadkan tidak lebih tiga paket bagi setiap pengguna.

Pengurus Sabasun HyperRunchit Sdn Bhd, Mohd Azuan Sa'ad berkata, setakat ini pihaknya tidak menghadapi masalah bekalan minyak masak botol atau paket, namun menjangkakan permintaan terhadap minyak masak botol akan berkurangan selepas 1 Julai nanti.

"Saya percaya bermula Julai

nanti, stok minyak paket tidak akan mencukupi untuk keperluan pengguna. Sekarang setiap minggu, kami terima bekalan minyak masak paket sebanyak 150 kotak di mana setiap kotak mengandungi 17 paket.

"Namun, bekalan itu adakalanya tidak mencukupi untuk tempoh seminggu dan kami terpaksa mengehendkan setiap pengguna hanya dibenarkan membeli tiga paket untuk setiap pembelian. Bermula Julai nanti, mungkin terpaksa hadkan lagi kuantiti pembelian," katanya.



Dakwaan perlakuan antipersaingan industri ayam

Pasukan khas MyCC bentang hasil siasatan Isnin

Anggota suruhanjaya akan buat keputusan jika terdapat pelanggaran Akta Persaingan 2010

Kuala Lumpur: Pasukan khas yang ditubuhkan Suruhanjaya Persaingan Malaysia (MyCC) bagi menyiasat dakwaan perlakuan antipersaingan dalam industri ayam negara akan membentangkan hasil siasatan mereka pada Isnin ini.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi, berkata pasukan khas berkenaan akan mengemukakan dapatan mereka kepada anggota suruhanjaya itu yang bertindak sebagai sebuah badan separa kehakiman yang mempunyai kuasa memutuskan sama ada terdapat pelanggaran terhadap Seksyen 4 Akta Persaingan 2010.

"Pagi tadi (semalam) saya difahamkan pihak MyCC, mereka sudah selesai menyiasat dan akan kemukakan hasil siasa-

tan," katanya selepas menyertai Op Anti-Sorok bersama pasukan penguat kuasa Kementerian Perdagangan Dalam Negeri dan Hal Ehwal Pengguna (KPDNHEP) di sebuah pasar raya di sini, semalam.

MyCC menubuhkan pasukan khas pada awal Februari lalu untuk menyiasat dakwaan terdapat perlakuan antipersaingan merangkumi perjanjian antipersaingan dan penyalahgunaan kedudukan dominan dalam pasaran yang boleh meningkatkan harga barangan dalam pasaran industri ayam.

Pasukan khas MyCC memulakan penyiasatan terhadap semua pemain industri ayam di seluruh Malaysia daripada peringkat hulu hingga hiliran.

Berhubung Op Anti-Sorok, Nanta berkata, ia dilaksanakan untuk membanteras aktiviti menyorok barang kawalan susulan pengumuman kerajaan untuk mengapungkan harga barang seperti ayam, telur ayam dan minyak masak berbotol berkuat kuasa 1 Julai ini.

Katanya, operasi itu juga langkah memastikan pemain industri dan peniaga barangan kawalan sentiasa cakna tanggungjawab mereka dalam menjamin bekalan mencukupi di pasaran serta tidak melakukan penyelewengan.

"Sejak Januari hingga se-



Nanta (kiri) diiringi Azman ketika menyertai Op Anti-Sorok bersama pasukan penguat kuasa KPDNHEP di sebuah pasar raya di Kuala Lumpur, semalam.

(Foto Amirudin Sahib/BH)

malam (kelmarin), sebanyak 158,064 pemeriksaan dijalankan merangkumi peruncit terpilih, pemborong terpilih dan pengilang terpilih mendapati bekalan barang kawalan mencukupi untuk keperluan pengguna," katanya.

Sementara itu, Pengarah Penguatkuasa KPDNHEP, Azman Adam berkata, terdapat 13 aduan sorok barang kawalan diterima kementerian itu sejak awal tahun ini, namun selepas siasatan dijalankan, tiada bukti kesalahan ditemukan. **BERNAMA**

125 peruncit, penternak, pemborong telur, ayam dikompaun

Iskandar Puteri: Seramai 125 penternak, pemborong dan peruncit telur serta ayam segar di negeri ini dikenakan kompaun kerana mencatut harga dua bahan mentah berkenaan.

Pengerusi Jawatankuasa Pelaburan Perdagangan dan Hal Ehwal Pengguna Johor, Lee Ting Han, berkata tindakan kompaun itu diambil susulan 4,657 pemeriksaan membabitkan peruncit, pemborong dan pengeluar dua bahan mentah berkenaan bermula 5 Februari hingga 13 Jun lalu.

"Sebanyak 125 kompaun menerusi Akta Kawalan Harga dan Anti Pencatutan (AKHAP) 2011 diambil bagi menangani tindakan tidak bertanggungjawab menaikkan harga telur dan ayam sesuka hati.

"Ia membabitkan 10 kompaun kepada peladang, 15 pemborong dan 100 lagi ke atas peruncit dengan nilai keseluruhan kompaun RM102,600 bagi kesalahan di bawah Penentuan Harga Maksimum bagi Ayam dan Telur Ayam," katanya.

Menjawab soalan Nor Rashidah Ramli (BN-Parit Raja) pada sidang Dewan Undangan Negeri (DUN) Johor semalam, Ting Han berkata, kerajaan negeri menjalin kerjasama pintar bersama Kementerian Perdagangan Dalam Negeri dan Hal Ehwal Pengguna (KPDNHEP) untuk menangani kenaikan harga barang.

"Inisiatif yang telah dan sedang dilaksana KPDNHEP Johor adalah Skim Harga Maksimum Musim Perayaan (SHMMP) untuk semua perayaan bagi melindungi pengguna dan membanteras peniaga yang tidak bertanggungjawab menaikkan harga tanpa had bagi mendapat keuntungan tinggi.

"Hasil penguatkuasaan SHMMP Tahun Baharu Cina yang dilaksanakan pada 29 Januari hingga 4 Februari lalu, KPDNHEP Johor melakukan 574 pemeriksaan di peringkat peladang, pemborong dan peruncit dan sebanyak 28 kes telah didakwa dengan jumlah kompaun RM3,800 dikenakan.

"Hasil penguatkuasaan SHMMP Aidilfitri 2022 pada 26 April hingga 10 Mei lalu, KPDNHEP Johor telah melakukan 586 pemeriksaan di peringkat peladang, pemborong dan peruncit. Sebanyak 14 kes telah didakwa dengan jumlah kompaun dikenakan berjumlah RM 2,000," katanya.



ALEXANDER (tengah) meninjau harga barangan kawalan ketika operasi di Selayang, Gombak semalam.

Pihak sorok barangan kawalan diberi amaran

Boleh disiasat bawah AMLA – KPDNHEP

Oleh AFIQ AL-HAFIZ MAT YUSOF

GOMBAK – Kementerian Perdagangan Dalam Negeri dan Hal Ehwal Pengguna (KPDNHEP) memberi amaran tegas kepada mana-mana individu dan syarikat agar tidak terbabit atau bersubahat dalam aktiviti menyorok barangan kawalan.

Menterinya, Datuk Seri Alexander Nanta Linggi berkata, individu yang didapati terlibat boleh diambil tindakan di bawah Akta Kawalan Bekalan (AKB) 1961.

"Tindakan penggantungan dan pembatalan lesen juga boleh diambil kepada pemegang-pemegang lesen sekiranya didapati terlibat dalam aktiviti yang menyalahi undang-undang ini."

"Mereka juga boleh disiasat

di bawah Akta Pencegahan Pengubahan Wang Haram, Pencegahan Pembiayaan Keganasan dan Hasil Daripada Aktiviti Haram 2001 (AMLA/PPUAA 2001) (Akta 613)," katanya pada sidang akhbar Ops ATM di NSK Trade City, Selayang, di sini semalam.

Katanya, KPDNHEP telah mengerakkan 2,200 anggota di seluruh negara untuk membanteras dan mengempur aktiviti menyorok barang kawalan seperti ayam, telur dan minyak masak botol bagi memastikan bekalan tersebut sentiasa mencukupi dengan harga berpatutan setiap masa.

"Pemeriksaan harian juga telah dijalankan ke atas 2,711 premis peruncit, 1,039 pemborong dan 223 pengilang yang melibatkan barang kawalan dan keperluan

asas termasuk gula, minyak masak, tepung gandum, beras, roti putih, telur, ayam, bawang, susu tepung dan sayur-sayuran.

"Bagi mengelak berlakunya penyelewengan, KPDNHEP telah melaksanakan Ops Anti-Sorok Barang kawalan dan sepanjang tahun 2022 sehingga 22 Jun sebanyak 158,064 pemeriksaan telah dibuat ke atas premis peruncit, pemborong dan pengilang terpilih di seluruh Negara," jelasnya.

Tambahnya, pengguna disaran untuk menjadi mata dan telinga kepada pihak berkuasa dengan memberikan kerjasama sekiranya mempunyai sebarang maklumat berhubung aktiviti penyelewengan dan menyorok barang kawalan.

Pengguna kini terbeban apabila minyak masak paket tiada bekalan

'Kami terpaksa juga beli minyak botol'

Oleh NORHAFAZAN ZULKIFLI,
ALIF AZRAI GHAZALI
dan FIRDAUS HANAFI

JERANTUT - Kesukaran mendapatkan minyak paket di pasaran sejak beberapa bulan lalu membuatkan pembeli tiada pilihan selain terpaksa membeli minyak masak botol pada harga yang lebih mahal.

Rata-rata pengguna yang ditemui menyatakan kekusaran terbeban dengan kenaikan harga minyak masak botol selepas kerajaan bertindak menghapuskan subsidi minyak masak sawit bermula 1 Julai depan.

Berdasarkan tinjauan *Kosmo!* di beberapa pasar raya di daerah ini dan Lembah Klang mendapati pengguna sudah lama terpaksa membeli minyak masak botol yang dijual disebabkan minyak paket bersubsidi sering habis stok dan tiada di pasaran.

Seorang pengguna, Mohd. Zafrul Ali Zulkifli, 36, berkata, pengumuman kerajaan dibimbangi akan menyebabkan pengguna terbeban kerana terpaksa membeli minyak botol pada harga yang lebih mahal.

"Saya bimbang kerana minyak masak paket tiada dan terpaksa juga membeli minyak botol pada harga mahal yang sudah tentu akan membebankan kami yang berhadapan dengan kenaikan kos hidup pada masa ini.

"Seharusnya kerajaan kena pastikan bekalan minyak paket mencukupi dahulu, kerana selama ini untuk mendapatkan minyak paket pun hanya bergantung kepada nasib sahaja," katanya di sini semalam.



PEMBANTU kedai menunjukkan rak minyak masak paket yang kosong dan hanya ada minyak botol di Petaling Jaya, Selangor semalam.



MINYAK masak botol masih banyak di sebuah pasar raya di Jerantut semalam.

Menurutnya, pada masa ini rakyat sudah tertekan dengan kenaikan pelbagai barangan keperluan lain dalam keadaan ekonomi yang tidak menentu.

Justeru dia berkata, sepatutnya barangan yang menjadi keperluan utama perlu dipastikan terkawal, malah terus diberikan subsidi bagi membantu meringankan beban rakyat.

Sementara itu, di **Temerloh** seorang pengguna Rosedi Othman, 68, berkata, beliau berharap kerajaan dapat mencari mekanisme terbaik dalam isu minyak masak yang menjadi keperluan harian rakyat.

Ujarnya, pemantauan juga perlu dilakukan lebih kerap bagi

memastikan minyak paket dapat dijual kepada isi rumah dan tidak dijual kepada pentaga semata-mata dan berlaku penyelewengan.

Di **Selangor**, seorang pengguna, Nur Alya, 24 berkata, dia hanya dapat membeli dua paket minyak masak kerana catuan yang ditetapkan di kedai runcit.

"Saya memang sudah biasa guna minyak masak paket tetapi sejak stok minyak masak paket susah dapat, saya terpaksa beli minyak masak botol juga.

"Minyak masak botol memang sudah mahal sekarang akan lebih mahal pada 1 Julai, nampaknya kami semua akan lebih terbeban," ujarnya.

20 CASES

Nanta: Hundreds of companies probed for bid rigging

SUBANG JAYA: The government is investigating hundreds of companies believed to be involved in bid rigging in public procurement, said Domestic Trade and Consumers Affairs Minister Datuk Seri Alexander Nanta Linggi yesterday.

Bid rigging, or collusive tendering in public procurement, Nanta said, was an open secret that had been exposed over and over again.

He said the government, through his ministry and the Malaysia Competition Commission (MyCC), had begun to combat the problem.

"I believe everyone knows about the bid rigging cartel. It's not a secret and it has been exposed, which is why MyCC has started efforts to address this issue.

"I don't have the exact figures, but hundreds of companies are being investigated.

"Those involved are being probed and MyCC has its own plans in terms of this (bid rigging)," he said at Sunway Resort here.

MyCC chief executive officer Iskandar Ismail said the commission was investigating 20 cases of bid rigging involving 500 companies with tender values of more than RM2 billion.

Bid rigging is a fraudulent scheme in procurement auctions resulting in non-competitive bids and can be performed by corrupt officials,

firms in an orchestrated act of collusion, or between officials and firms.

It usually occurs when two or more competitors agree they will not compete with each other for tenders, allowing one of the cartel members to "win" the tender.

This form of collusion is illegal in most countries.

Earlier, Nanta had officiated the Malaysia Competition Law Conference on behalf of Prime Minister Datuk Seri Ismail Sabri Yaakob, who was unable to attend the event due to other duties.

In Ismail Sabri's keynote

speech, which was read out by Nanta, the former expressed Putrajaya's commitment to ensuring a comprehensive Competition Act 2010 that is globally recognised once amendments to the act are passed.

He said the amendment to the act, specifically on the merger control regime provisions, would provide more powers to MyCC to assess and investigate merger transactions that could cause market concentration and monopolies.

"We are well aware of how monopolies could cause anxiety among the Malaysian Family, especially when they are trying to disrupt competition and prevent the entry of small competitors into the market.

"Bid rigging is a major threat to

public procurement leakages because this will deny the right of bidders to compete fairly, and in turn, people will be victimised when government revenue is disrupted.

"The amendments to the Competition Act and the Malaysian Competition Commission Act will empower MyCC to address competition issues in the ever-changing economic landscape.

"The government is ready, as has been informed by MyCC in its cabinet paper, to get policy approval for amendments to empower MyCC by boosting its human capital and budget."

MyCC had recently said that parties found implicated in bid rigging in public procurement would be blacklisted by the Finance Ministry for five years.



Datuk Seri Alexander Nanta Linggi

 Senarai Harga Sarang Kiperbuhan	• Ayam	RM7.99	• Telur Gred A	RM12.60	• Gula Pasir	RM2.85	• Cili Merah	RM12
	• Daging Lembu Tempatan	RM42.99	• Ikan Kembung	RM18	• Bawang Besar Holland	RM4	• Kubis Bulat Tempatan	RM3.90
	• Daging Lembu Import	RM28	• Minyak Masak	RM8.60	• Bawang Putih	RM5.50	• Tepung Gandum	RM2.30

**Harga (RM/kg) Sumber: KPN/HEP*

Move to make Competition Act more comprehensive

KUALA LUMPUR: Efforts are being made to amend the Competition Act 2010, making the country's competition laws more comprehensive and bringing them in line with international practices, said Prime Minister Datuk Seri Ismail Sabri Yaakob.

He said the proposed amendments, especially on the introduction of provisions for a regime on merger control, would empower the Malaysia Competition Commission (MyCC) to evaluate and investigate merger transactions that have potential to cause market concentration and lead to

monopolies in the market.

"We all know monopolistic practices always create anxiety among Keluarga Malaysia, especially when this monopoly tries to continue disrupting competition and preventing the entry of small competitors in the market.

"Amendments to the Competition Act and Malaysia Competition Commission Act will give power to MyCC to tackle, in an effective and efficient manner, issues of competition normally seen in a frequently changing economic landscape," he said in his

speech at the third MyCC 2022 Competition Law Conference yesterday.

His speech was read out by Domestic Trade and Consumer Affairs Minister Datuk Seri Alexander Nanta Linggi.

Ismail Sabri said the government fully supports MyCC's efforts to introduce this regime to ensure the country's economy would continue to expand rapidly.

On the Malaysia Digital Economy Blueprint, Ismail Sabri said the government acknowledged the role of competition laws in regulating digital markets,

including digital platform activities, to protect local players and small industries from possible anti-competition practices or bullying by bigger players in the market.

He said MyCC was entrusted with updating existing policies and laws on competition with the aim of facilitating economic growth to realise the blueprint.

The prime minister also touched on the issue of cartels formed through secret agreements among competitors in the same market, saying it constituted the most serious form of behaviour under the Competition Act 2010. - Bernama